



MILLIY TIKLANISH

9 (226) ● 2013 йил 13 март, чоршанба ● Ўзбекистон «Миллий тикланиш» демократик партиясининг ижтимоий-сиёсий газетаси

ЎЗМТДП — www.mt.uz Тахририят — www.milliytiklanish.uz

2008 йил 30 октябрдан чиқа бошлаган

ТЕРМИЗДАГИ иқтисодиёт касб-хунар коллежида молия, биржа агенти, банк иши ва ҳўжалик-ҳуқуқий фаолият каби йўналишларда тахсил олаётган 1440 нафар йигит-қизнинг ахборот-коммуникация технологияларига оид билим-кўникмаларини мустақамламоқда.



САМАРҚАНД шаҳридан чиқиб, Оқдарё туманига кириб борар экансиз, Зарафшон дарёси ёқасида бунёд этилган кўркам уй-жойлар эътиборингизни тортади. Бу уйлар мукамал лойиҳа асосида, ҳар томонлама замонавий қилиб қурилган.



ТАБИАТ уйғониши билан бирга инсонлар қалби ҳам янги орзу-хаваслар ила жумбушга келади. Бу иштиёқ бизни буюк ишларга ундайди.



5 МАЪНАВИЯТ

6 ЖАРАЁН

8 НИГОҲ

ХАБАРЛАР

Аёлга эътибор — келажакка эътибор

Бухорода «Аёл — жамият барқарорлиги, тотувлиги ва ҳамжихатлиги кафолати» мавзусида тадбир ўтказилди.

Анжуманда маҳаллий ҳокимият органлари ва муассасаларида, нодавлат ташкилотлар тизимида фаолият кўрсатаётган, маҳалларда яшаётган турли миллатга мансуб хотин-қизлар, талабалар, спорт мусобақа ва танлов совриндорлари қатнашди. Тадбирда сўзга чиққанлар вилоят хотин-қизларининг жамиятда муносиб ўрин топишлари учун барча шароитлар яратилгани, оила ва унинг қадриятларини асрашда масъулият ва бурчни чуқур ҳис этаётганликларини таъкидлашди. Анжуман доирасида мавзуга доир фотосуратлар ва расмлар кўргазмаси бўлиб ўтди.

Саломатлик муҳофазаси — устувор масала

Пойтахтимизда бўлиб ўтган илмий-амалий семинар «Она ва бола саломатлигини муҳофаза қилиш борасида амалга оширилаётган ислохотларни жамоатчиликка етказишда ОАВнинг роли ва вазифалари» мавзусида бўлди.

Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди томонидан ташкиллаштирилган семинарда журналистлар мамлакатимизда соғлиқни сақлаш тизими, айниқса, оналар ва болалар саломатлигига қаратилган ислохотларни, шунингдек, «Обод турмуш йили» Давлат дастурида юқоридаги масалаларга қаратилган вазифаларни бажарилиши юзасидан амалга оширилаётган ишлар билан таништирилди. Кўтарилган масалалар ва истиқболдаги вазифалар хусусида атрофлича фикр юритилди.

Миллий ўйинлар намойиши

Наврўз арафасида маҳаллаларни ободонлаштириш ва кўламазорлаштириш ишлари авж олади. Байрамларимиз куй-кўшиқ, миллий ўйинларсиз ўтмайди. Бу байрамга ўзига хос кўтаринлик бахш этади.

Гулистон шаҳрида ана шундай миллий ўйинлар мусобақаси бўлиб ўтди. Болалар ва ўсмирлар спорт мактаби тарбияланувчилари иштирок этган мусобақада ўзбек миллий ўйинлари нақадар серқирра экани яна бир бор намойён бўлди. Айниқса, арқон тортиш, етти тош, қараб теп, кураш каби миллий ўйинлар тадбир қатнашчиларида катта таассурот қолдирди.

Тадбир сўнгида мусобақалар ғолиблари муносиб тақдирланди.

Партия дастурий мақсадларини изчиллик билан амалга ошириб, электорат манфаатларига хизмат қилиш — устувор вазифамиз

Тошкентда Ўзбекистон «Миллий тикланиш» демократик партияси Марказий Кенгашининг навбатдаги Пленуми бўлиб ўтди. Пленум ишида партия Марказий Кенгаши, ЎЗМТДПнинг Олий Мажлис Қонунчилик палатасидаги фракцияси аъзолари, халқ депутатлари маҳаллий кенгашлардаги партия депутатлик гуруҳлари раҳбарлари, партия фаоллари, ЎЗМТДП «Ёшлар қаноти» ва «Аёллар қаноти» вакиллари ҳамда оммавий ахборот воситалари ходимлари иштирок этишди.

Пленумда ЎЗМТДП Марказий Кенгаши Ижроия Қўмитаси раиси Ахтам Турсунов партиянинг 2012 йилдаги фаолияти яқунлари ва 2013 йилдаги иш фаолиятининг асосий йўналишлари тўғрисида маъруза қилди. — Ўзбекистон «Миллий тикланиш» демократик партиясининг бугунги пленуми мамлакатимиз ижтимоий-сиёсий, иқтисодий ва маънавий-маърифий ҳаётида улкан ижобий ўзгаришлар содир бўлаётган, Ватанимиз тараққиёти янги босқичга кўтарилиб, халқимиз фаровонлиги ошиб бораётган бир шароитда ўтмоқда, деб ўз сўзини бошлади нотиқ. — Давлатимиз раҳбари Ислам Абдуганиевич Каримов раҳнамолигида тарихан қисқа даврда Ўзбекистон барча соҳаларда асрларга татигулик улкан муваффақиятларни қўлга киритди. Ватанимиз эришаётган ютуқлар ҳақида гапирганимизда Президентимизнинг 2012 йилда мамлакатимизни ижтимоий-иқтисодий ривожлантириш яқунлари ҳамда 2013 йил-

га мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисидаги маърузасида тилга олинган куйидаги рақамларга сизларнинг эътиборингизни яна бир қарра қаратмоқчиман, - деди анжуман иштирокчиларига мурожаат қиларкан партия раҳбари. 2012 йилда Ўзбекистон ўз иқтисодиётини барқарор сурьатлар билан ривожлантиришни давом эттириб, ялли ички маҳсулот 8,2 фоизга ўсди, sanoat ишлаб чиқариш ҳажми 7,7 фоизга, қишлоқ хўжалиги 7 фоизга, экспорт ҳажми 11,6 фоизга ўсганлигини алоҳида таъкидлаш лозим. Энг муҳими, давлат жами харажатларининг асосий қисми, яъни 59,2 фоизи ижтимоий соҳа ва аҳолини ижтимоий ҳимоя қилиш чора-тадбирларини амалга оширишга қаратилди, шундан 34 фоиздан ортиги таълим, 14,5 фоиздан кўпроғи соғлиқни сақлаш соҳаларини молиялаштиришга йўналтирилди.



Бугунги пленумимизда давлатимиз раҳбарининг Ўзбекистон Республикаси Конституциясининг 20 йиллигига бағишланган тантанали маросимдаги маърузасида илгари сурилган гоё ва мақсадлар ҳамда вазифаларни эслаб ўтиш мақсадга мувофиқ, - деб ўз сўзини давом эттирди партия раҳбари. Аслида юқорида тилга олиб ўтилган рақамлар ва биз эришган тараққиёт марраларининг ҳуқуқий асоси Конституцияимизда мустаҳкамлаб қўйилган принцип ва нормаларга бориб тақалади. Мазкур маърузада ҳам: «Шулар ҳақида гапирганда, авваламбор, тадрижий тараққиёт

концепциясини амалга ошириш, иқтисодиётни мафқурадан холи бўлиши, демократик ислохотларни босқичма-босқич жорий қилиш, қонун устуворлигини таъминлаш, давлатнинг бош ислохотчи сифатидаги ролини тан олиш ва ўтиш даврида унинг таъсирини ошириш, мамлакатимизнинг ўзига хос хусусиятларини ҳисобга олган ҳолда, кучли ижтимоий сиёсат юритиш каби принципларни кўзда тутамиз. Бу ҳақда сўз юритганда, таъкидлаш керакки, ҳар қандай демократик тизим негизида ётган

— ҳокимиятнинг қонун чиқарувчи, ижро этувчи ва суд-ҳуқуқ тармоқларининг вазифа ва ваколатларини аниқ белгилаб қўйиш, уларнинг манфаатлари мувозанатини ва бир-бирини тийиб туришини таъминлаш, сиёсий партиялар ролини кучайтириш тамойилларига асосланган сиёсий тизимни шакллантириш бўйича пухта ўйланган, замонавий демократик талабларга жавоб берадиган ислохотларнинг таъсирини кўрамыз», - деб алоҳида таъкидланган.

2-бет

ФРАКЦИЯ ҲАЁТИ

Демократик ислохотлар

жараёнини янада чуқурлаштиришга қаратилган қонун лойиҳалари муҳокама қилинди



Ўзбекистон «Миллий тикланиш» демократик партиясининг Олий Мажлис Қонунчилик палатасидаги фракцияси йиғилишида қатор қонун лойиҳалари кўриб чиқилди. Унда фракция аъзолари, вазирлик ва идоралар раҳбарлари, экспертлар, ҳуқуқшунослар ва мутахассислар, оммавий ахборот воситалари вакиллари иштирок этишди.

Депутатлар Қонунчилик палатасининг бир гуруҳ депутатлари томонидан тайёрланган «Ўзбекистон Республикаси Олий Мажлиси Қонунчилик палатасининг Регламенти тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳасини муҳокама қилишди.

Таъкидланганидек, юртимизда истиқлолнинг илк кунларидан давлат бошқарувини янгилаш ва демократлаштириш ҳамда мамлакатимизни модернизация қилишда сиёсий партияларнинг ролини оширишга қаратилган кенг кўламли ислохотлар амалга оширилмоқда. Айниқса, мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясининг қабул қилиниши бу борада олиб борилаётган ишларни сифат жиҳатдан янги босқичга кўтарди.

4-бет

КОНЦЕПЦИЯ: ЎЗМТДПНИНГ УСТУВОР ВАЗИФАЛАРИ

Сайловлар — бу мамлакатимизда амалда бўлган ҳуқуқий нормаларнинг нечоғлиқ демократик руҳда эканини намойён этадиган, демократик ҳуқуқий давлатнинг узвий белгиси, халқнинг ўз хоҳиш-иродасини эркин ифода этишининг, фуқароларнинг давлат ва жамият бошқарувидаги иштирокининг асосий шакли бўлиб, ўта муҳим ва ҳал қилувчи аҳамиятга эга масаладир.

Ислам КАРИМОВ

Миллий сайлов тизимини такомиллаштириш

сиёсий партияларнинг жамият ҳаётидаги роли ва имкониятини янада оширади

4-бет



«Milliy tiklanish» газетасига обуна бўлинг!

Нашр кўрсаткичи — 158



